



Meeqqat tamarmik naleqarput

Alle børn er værdifulde

All children are valuable

## Tusagassiorfinnut Nalunaarut Pressemeddelelse

03.04.18

### Qinersineq 2018:

## Meeqqat Illersuisuata partiinut tamanut qinigassanngortittunullu meeqqat oqariartuutai ingerlateqqippai

**Qineqqusaarnermut sammisassatut meeqqat innersuussutaat MIO-p katersorsimavai,  
ullumikkullu politikkikkut partiinut qinigassanngortittunullu tunniullugit.**

Meeqqat Illersuisuata Aviâja Egede Lyngep qineqqusaarnermut sammisassatut meeqqat siunnersuutaat, qinersinissamut meeqqat politikerinut ingerlateqqikkusutaat Facebookikkut katersorsimavai.

*"Partiinut qineqqusaartunullu amerlasuunut meeqqat inuusuttullu qineqqusaarnermi sammisaapput pingaaruteqartut. Taamaattumik tulluarpoq, qineqqusaarnermi suut qaqilerneqarnissaat pingaaruteqarnersut meeqqanut apeqqutiginnissaat. Taakkumi pineqarput. Tamatumalu saniatigut meeqqat inuusuttullu namminiussusaannut ataqqinassusaannullu ataqqinninnertut takutitsineruvoq – tamannalu, meeqqat tusaaneqarnissamut pisinnaatitaaffianik nassuiaanermik Naalagaaffiit Peqatigiit Meeqqat pillugit Isumaqqatigiissutaanni artikeli 12-imit siunertaalluni", Aviâja Egede Lyngé itisiliivoq.*

Meeqqat inuusuttullu qineqqusaarnermi sammineqartussatut pingaaruteqaertutut innersuussitinnerannik, meeqqanut suut pingaaruteqarnersut pillugit uatsinnut inersimasunut uisitsisinnaapput, aammali meeqqat oqartussaaqataassutsimik paasinninnerannik nukittorsaaqataassallutik. Politikerit innuttaasut isumaat tusarusukkaagamikkit, innuttaasunut ataatsimiisitsisarpur. Kiap meeqqat aperisarpai?

Sammisat meeqqat qaqiligaasa ilagaat:

### 1. Pinnguartarfiit ulorianangitsut toqqissisimanartullu

---

MIO  
Meeqqat pisinnaatitaaffiik sullissivik  
Børnerettighedsinstitution  
National Advocacy for Children Rights

Postboks 1290  
Issortarfimmur 1B  
3900 Nuuk  
Kalaallit Nunaat • Grønland • Greenland

Tel.: +299 34 69 40  
Mail: [mio@mio.gl](mailto:mio@mio.gl)  
[www.mio.gl](http://www.mio.gl)



Pinnguarterfinni sukkittarnerit kiisalu eqqaaviit eqqaanni aserorterisoqartarnera, taamaasilluni pinnguarterfiit eqqaanni igalaaminikoqartarnera iliuseqarfigineqartariaqarput.  
(Naalagaaffiit Peqatigiit Meeqqat pillugit Isumaqaatigiissutaat, artikelit: 3, 27, 31)

## 2. Inunnut aalakoortunut ersisarneq

Inuit aalakoortulitik kamattut persuttaakkaangata meeqqat silami aneernissartik ersigisarpaat. Tamanna atuuppoq ullaakkut imaluunniit ualikkut.  
"Isumaqaarpunga inersimasut inuit aqqusinermi aalakoortartut oqallisigissagaat. Nipituumik nillialeraangata ersilertarpunga", Nukappiaraq 11-nik ukiulik.  
(Naalagaaffiit Peqatigiit Meeqqat pillugit Isumaqaatigiissutaat, artikelit: 3, 19, 27)

## 3. Angerlarsimaffiit oqorsarluakkat peqqissuserlu

Meeqqap ataatsip misigisarpaa ukiukkat natertik nillertorujussuusartooq, nukkanilu qiulikkejullutik. Nukaa napparsimakulasarpoq.  
(Naalagaaffiit Peqatigiit Meeqqat pillugit Isumaqaatigiissutaat, artikelit: 3, 6, 24, 27)

## 4. Nammineq aalajangigarinnngisamik qatanngutinit avissaaqqaneq

Qatanngutigiit marluk aliasuutigaat qatanngutertik, arlalinnik innarluuteqartoq, ukiumut ataasiaannarlutik takusinnaagamikku. Ukiumut marloriarlutik tikeraartorisinnaasarnikuuaat, maannali qatanngutaat 18-inik ukioqalereermat, ukiumut ataasiaannaq tikeraartissinnaangortillugu allanngorneqarpoq. Niviarsiaqqat kissaatigaat inatsimmi allannguisoqassasoq, taamaasillutik qatanngutertik ukiumut ataasiaannaangitsoq takusalerniassagamikku.  
(Naalagaaffiit Peqatigiit Meeqqat pillugit Isumaqaatigiissutaat, artikelit: 3, 12).

## 5. Meeqqat kinguaassiutitigut kannguttaatsuliorfigineqarnikut sullinneqarnerisa naligiinnerunissaanik kissaat

Meeqqap 14-inik ukiullip kissaatigaa, meeqqat kannguttaatsuliorfigitinneri pillugit suliat unitsinneqartannginnissaat: *"Kinguaassiutitigut kannguttaatsuliorfigitissimaneq meeqqap oqaluttuarippagu tamannalu eqqartuussivimmu ingerlanneqarpat, taava pingaaruteqarpoq suliap unitsinneqarnani naammassineqarnissaa. Kinaluunniit kinguaassiutitigut kannguttaatsuliorfigitissimasoq naligiimmik sullinneqassaaq, ilaannaajungitsut. Taama misigisaqarsimalluni ajortulipussuvoq"*.  
(Naalagaaffiit Peqatigiit Meeqqat pillugit Isumaqaatigiissutaat, artikelit: 3, 19, 34, 27, 39)

## 6. Meeqqanut innarlerneqarsimasunut kinguaassiutitigullu kannguttaatsuliorfigitissimasunut ikiorsisarneq pillugu paasissutissiineq

Inuusuttut amerlavallaat ajornartorsiuteqartut. Taakku pillugit politikerit oqallinnissaat kissaatigineqarpoq. Meeqqat inuusuttullu amerlapput kinguaassiutitigut



kannaguttaatsuliorfigitissimasut atonerlugaasimasullu oqaluttuarnissaminnut sapertut. Ilaat ersisarput ikiortissarsiornissaminnullu sapertarlutik, taamaattumik pisariaqartinneqarpoq politikerit ilinniarnertuunngorniarninni inuusuttunut ornigunnerusarnissaat. 18-it ataallugit ukiullit tamarmik sumi ikiorneqarsinnaanissaminnik paasissutissinneqassapput. Meeqqat atuarianni ikiuisussanik nassaarnissaq ajornannginnerusarpoq, inersimasunngoriartornermili ajornarneruleriartortarluni. (Naalagaaffiit Peqatigiit Meeqqat pillugit Isumaqaatigiissutaat, artikelit: 3, 13, 19, 27, 34, 39)

## 7. Imigassaq pillugu inatsit

Inuusuttup 17-inik ukiullip, paaserusuppaa soq unnukut 20.00 kingorna angutaatini ilagalugu cafemut cacaotariartorsinnaannginnerluni.

## 8. Qinngasaarisarneq

Qinngasaarisarneq pillugu iliuseqartoqarnissaa nukappiaqqap arfineq-marlunnik ukiullip kissaatigaa. Pinnguartailluni qinngasaartinneq nuannarinngilaa. (Naalagaaffiit Peqatigiit Meeqqat pillugit Isumaqaatigiissutaat, artikelit: 3, 19, 27, 31)

## 9. Pinnguartaarfiit, fritidshjemmit, klubbillu

Pinnguartaarfinnik pitsaanerusunik amerlanerusunillu kissaat. Meeqqanut ukioqqortunerusunut sunngiffimmi sammisassaqaqtitsilluartumik klubbimik pitsaanermik aamma amigaaqartoqarpoq. Atuarianni pinnguartaarfiit amerlanerusut.

Ukiukut illup iluani sammisaaqartitsinerit amerlanerusut kissaatigineqarput. Meeqqat atuarianniit assigiinngitsuneersut naapiffigisinnaasaannik. Nukappiaqqap 11-nik ukiullip siunnersuutigaa fritidshjemmit atorunnaarsillugit illoqarfimmi meeqqat tamarmik katersuuffigisinnaasaannik pilersitsisoqarsinnaasoq.

Niviarsiaqqap 9-nik ukiullip kissaatigaa fritidshjemmini meeqqat ikinnerusalissasut.

(Naalagaaffiit Peqatigiit Meeqqat pillugit Isumaqaatigiissutaat, artikelit: 3, 31)

## 10. Akissarsiffik sioqqullugu akissarsiat nal. 23.00 akilerneqartarnerat

Unnukut nal. 23.00 akissarsititsisoqartarnera pitsaanngilaq. Taamaattoqaraangat imerniartaarfiit inunnik ulikkaartarput, taamatullu sisamanngorneq, tallimanngorneq, arfininngorneq sapaallu aalakoofiusarlutik.

(Naalagaaffiit Peqatigiit Meeqqat pillugit Isumaqaatigiissutaat, artikelit: 3, 19, 27)

## 11. Meeqqat aliasuuteqartut oqaloqatigineqartarnissaat



”Aliasuuteqartut atuarfinni eqimattakkaartillugit oqaloqatigiiffeqarnissaat kikkut sulissutigerusuppaat?”. Ataataminik aataaminillu annaasaqarsimasumit saaffiginnissutaavoq. Pineqartup aliasunnini peqcutigalugu atuariartornissani nakerinnginnerulerlugu misigisimavaa. Sulilu annaasaqacqinnissani annilaagagisarlugu. Meeqqat imminnut oqaloqatigiiffissaannik siunnersuuteqarpoq. (Naalagaaffiit Peqatigiit Meeqqat pillugit Isumaqaatigiissutaat, artikelit: 3, 19, 27, 39)

## 12. Inersimasunit illersorneqarneruneq

Meeqqap 12-inik ukiullip paaserusuppaa inersimasut qaqugu meeqqanik illersuinerulerniarnersut. Eqqaamiui inersimasut allat peqatigalugit aalakuukkajuttarput, taamaattumillu meeqqap taassumalu qatanngutaasa unnuakkut ullaakkullu eqqaamiutik ersigisarpaat. (Naalagaaffiit Peqatigiit Meeqqat pillugit Isumaqaatigiissutaat, artikelit: 3, 9, 19, 27)

## 13. Meeqqat angerlarsimaffiup avataanut inissinneqartut

”Meeqqat anaanaminnit nuutsinneqartariaqanngikkaluarput”. Nukappiaraq 7-inik ukiulik. (Naalagaaffiit Peqatigiit Meeqqat pillugit Isumaqaatigiissutaat, artikelit: 3, 12, 20, 21, 27)

## 14. Perorsaasut ilinniartitsisullu amerlanerit pitsaanerusullu

Mini-klubbimi ilaatigut inersimasut amigaatigineqartarput. Taamaasillutik meeqqat kammagiikkunnaartarput qasulertarlutillu. Niviarsiaqqap 3. Klassimi atuartup kissaatigigaluarpa perorsaasunik ilinniartitsisunillu amerlanerusunik pitsaanerusunillu peqalernissaa. (Naalagaaffiit Peqatigiit Meeqqat pillugit Isumaqaatigiissutaat, artikelit: 3, 28, 29, 31)

## 15. Inuusuttunut LGBT-nut sumiiffissaq toqqissisimanartoq

Inuusuttut LGBT-t katersuuffissaminnik toqqissisimanartumik amigaateqarput. (Naalagaaffiit Peqatigiit Meeqqat pillugit Isumaqaatigiissutaat, artikelit: 2, 3, 15, 27, 31)

## 16. Meeqqanut ersinngitsumik innarluutilinnut ilinniagaqarnissamut periarfissat

Angutip inuusuttup ilinniagaqarnissani kissaatigigaluarpa. ADHD-erpoq meeqqallu atuarfianni inaarutaasumik misilitsissimanani. Karaktereqanngikkaluarluni ilinniakkamik ingerlataqarusukkalarpoq. Uninngaannalersutut misigisimavoq, tamanna kissaatiginngikkalarlugu. Majoriamukarsimagalarpoq. Majorialli nalilersimavaa ilinniagaqarnissaminut piareersimangitsoq suliffimmillu misiliitillugu. Taassuma kingorna attavigineqarsimangilaq, pisortanillu sumiginnagaasutut misigisimalluni. (Naalagaaffiit Peqatigiit Meeqqat pillugit Isumaqaatigiissutaat, artikelit: 3, 23, 27, 28, 29)

## 17. Meeqqat kammagiikkunnaaraangata toqqissisimasannginneq



”Meeraqatikka kamaattarunnaarlutik taava uanga erdidarunnaarlunga”, Niviarsiaaraq 4-nik ukiulik.

(Naalagaaffiit Peqatigiit Meeqqat pillugit Isumaqatigiissutaat, artikelit: 3, 19, 27)

#### **18. Meeqqat akornanni ataqeqatigiinneq**

Meeqqat akornanni ataqeqatigiinnerunissamik kissaateqarpoq. Nukappiaraq 7-inik ukiulik.

(Naalagaaffiit Peqatigiit Meeqqat pillugit Isumaqatigiissutaat, artikelit: 2, 3, 5, 18, 27)

#### **19. Atuarfinni eqaarsaarnerusarneq**

Atuarfinni eqaarsaarnerusarnissamik kissaat.

(Naalagaaffiit Peqatigiit Meeqqat pillugit Isumaqatigiissutaat, artikelit: 3, 24, 27)

#### **20. Meeqqat 12-it sinnerlugit ukiullit akeqanngitsumik bussertarnissaat.**

Naapertuulluanngitsutut misiginarpoq 12-inik ukioqaraanni bussinut ilaaniaraanni akiliisariaqartarluni.

#### **21. Inersimasut aamma ikiorneqassapput**

Meeqqat aliasukkaangata, angajoqqaat aamma alisoqataasarput. Meeqqat ikiorniaraanni aamma angajoqqaat ikiorneqartariaqarput.

(Naalagaaffiit Peqatigiit Meeqqat pillugit Isumaqatigiissutaat, artikelit: 3, 18, 27)

#### **22. Politikerit kamaattarunnaassapput**

Politikerit kamaattarunnaarnissaat kissaataavoq.

#### **23. Kikkut tamarmik pitsaasumik akissarsiaqassasut**

Kikkut tamarmik pitsaasumik akissarsiaqarnissaat kissaataavoq.

(Naalagaaffiit Peqatigiit Meeqqat pillugit Isumaqatigiissutaat, artikelit: 3, 26, 27)

#### **24. Kikkut tamarmik angerlarsimaffeqarnissaat inigisallu akikinnerunissaat**

Angerlarsimaffeqanngitsoqarpat kommuni inissamik tunniussisassaaq.

Kalaallit Nunaanni inuuniarneq akitsoriartortillugu inissiat akii aamma akisuallaalersimapput. Inuuniarnerup akianut naleqqunnerussappat inissiat akikinnerulertariaqarput.

(Naalagaaffiit Peqatigiit Meeqqat pillugit Isumaqatigiissutaat, artikelit: 3, 26, 27)

#### **25. Meeqqat inuusuttullu innarluutillit**

Nukappiaraq 14-inik ukiulik marloriarluni qaratsamigut aanaartoornikoq. Timiata illua-tungaa nukillaangavoq qanittumullu eqqaamannissinnaanikkut innarlarsimalluni.

Ilinniarnermut atatillugu immikkut pisariaqartitsigami specialklassemi atuarpoq. Kalaallit Nunaanni pisortat tamarmik inunnut namminermissut ittunut aamma



Meeqqat tamarmik naleqarput

Alle børn er værdifulde

All children are valuable

eqqumaffiginninnissaat kissaatigaa. Atuarfinni atortunik innarluutilinnut tulluussakkanik peqarnissaa kissaatigaa. Suliffimmik misiliinissani kissaatigaa, inersimasunngorunilu allatulli sulilernissani kissaatigalugu.

(Naalagaaffiit Peqatigiit Meeqqat pillugit Isumaqatigiissutaat, artikelit: 3, 12, 13, 24, 26, 27, 28, 29, 39)

## **26. Kikkunnut tamanut inissiat kiisalu meeqqueriviit naammattut**

Meeqqap ataatsip kissaatigaa ikinngutimi inissarsinissaat kiisalu nammineq ikinngutinilu meeqquerivimmi inissaqalernissartik.

(Naalagaaffiit Peqatigiit Meeqqat pillugit Isumaqatigiissutaat, artikelit: 3, 26, 27)

## **27. Angallannikkut atugassat**

Qeqertarsuup tunuani angallannikkut atugassarititaasut pitsanngorsarneqarnissaat kissaatigineqarpoq.

## **28. Akit**

Kalaallit nunaanni akit appasinnerusut.

(Naalagaaffiit Peqatigiit Meeqqat pillugit Isumaqatigiissutaat, artikelit: 3, 27)

## **29. Aningaasaqarneq**

Aningaasat hashimut, baajanut ikiaroorunartunullu atorneqartassanngikkaluarput.

## **30. Hashi aamma Aalakoornartoq**

Kalaallit Nunaanni aalakoornartoq hashilu unitsillik.

Kalaallit Nunaanni imerajuttut ikilisillugit. Meeqqat unnuarsuarmut aneertassanngillat.

Haship eqqussuunneqarneqartarnera pillugu nakkutilliisut amerlanerusariaqarput.

”Meeqqat imerajuttuni najugaqartut nalligaakka”, Nukappiaraq 11-nik ukiulik.

(Naalagaaffiit Peqatigiit Meeqqat pillugit Isumaqatigiissutaat, artikelit: 3, 19, 27, 33, 39)

## **31. Atuarfiit**

Kalaallit Nunaanni atuarfiit tamarmik nutarterneqartariaqarput.

Atuarfinni atuarnerup pitsaassusaata qaffasinnerunissaa kissaatigineqarpoq.

Meeqqanut atuarfimmur taquangitsunut imaluunniit taquarnissaminut

akissaqanngitsunut atuarfinni nerisitsisarneq.

Meeqqat atuarfiini atuartut suliffinnik misiliinerusarnissaat.

Atuarfimmi ataqqinninneq tusaaneqarnissarlu.

(Naalagaaffiit Peqatigiit Meeqqat pillugit Isumaqatigiissutaat, artikelit: 3, 12, 24, 26, 27, 29, 29)

## **32. Pujortartarneq**



Meeqqat tamarmik naleqarput

Alle børn er værdifulde

All children are valuable

Meeqqat pujortartartut ikinnerulernissaat kissaatigineqarpoq  
(Naalagaaffiit Peqatigiit Meeqqat pillugit Isumaqtigiissutaat, artikelit: 3, 24, 27)

### 33. Namminersulivinnissaq

Politikerinut apeqqut: " Namminersulivikkutta kalaallit qanoq iliussappat?"

### 34. Peqqinnissaqarfik

Nakorsiarnissaq ajornannginnerusariaqarpoq. Meeqqat iisartakkanik tuniinnarnagit ajoqutaat misissorluarneruneqartariaqarput.

(Naalagaaffiit Peqatigiit Meeqqat pillugit Isumaqtigiissutaat, artikelit: 3, 24, 27)

### 35. Suliffeqarfiit kalaallinit pigineqartut amerlanerit

Suliffeqarfiit kalaallinik pigineqartut amerlanerunissaat kissaatigineqarpoq, assersuutigalugu aatsitassarsiorfimmi.

### 36. Angerlarsimaffeqannginneq nunaqannginnerluunniit

Niviarsiaqqaq 8-nik ukiulik, inuit ilaasa angerlarsimaffeqannginnerat imaluunniit nunaqannginnerat aliasuutiginerpaavaa taannalu inersimasut iliuseqarfigisariaqaraat oqaatigaa ( Angerlarsimaffiani assiuteqarput qimarngusunik. Assimi ataataasup panini kunippaa).

Asannittumik inuulluaqqusillunga

Med Kærlig hilsen

Aviâja Egede Lyng  
Meeqqat Illersuisuat  
Børnetalsmand  
[Avi@mio.gl](mailto:Avi@mio.gl)  
Tlf.: 531274